

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Maniitsumi innuttaasunik ataatsimiisitsineq

8. maj 2015, nal. 19.00-22.00
50-it missaat takkupput

Inersuarmit apeqqutit

Morten Siegstad:

Aatsitassarsiornermik ingerlataqarneq aallartippat illoqarfik sorleq Hudson Resourcesip aallaavittut atorniarpa? Hudson Resources kifartuunnarlugu suliffimmik pilersitsisoqassava?

Assersuutigalugu maskiinanik ingerlatsisunik ilinniqaarsimanerup inissisimaffigisaanut Hudson Resources qanoq annertutigisunik piunasaqaateqarpa?

Hudson Resourcesimit Rune Keiler:

Allaffiup inissisimaffissaanut tunngatillugu suliaterlanersaat aatsitassarsiorfimmisapput. Sulisunik marlunnik annertunerpaamik pisariaqartitsisoqassaaq, taakkulu Kangerlussuarmi, qaninnerpaajusumi inissisimasuussapput.

Atorfininniarluni sunik ilinniagaqarsimanissaq pillugu piunasaqaatinut tunngatillugu pisariaqartitsinnik allattugaateqassagut, maskiinanik ingerlatsinut, eqqiluisaarnermik suliqaartussanut, nerisassiornermut, innaallagisserisunut, mekanikerinut, sulinermi maskiinanik biilinillu atukkanik sullissisussanut allattugaammik. Aatsitassalerinermik ilinniarfik suleqatigalugu ilinniagassaqartitsinermik ingerlassassat aallartissavagut. Assersuutigalugu maskiinanik ingerlatsisunut dumperersuit ammut 10 km-inik ingerlatinnissaat allaanerussaaq, taakku bremse atornagu retræte atussagamikku.

Morten Siegstad:

Aatsitassarsiorfik nioqqutinik sulisullu angallannerinik pisariaqartitsissaaq. Siusinnerusukkut Seqimi sulisimasut aatsitassarsiorfimmimi sulissapput, taamaattumillu angerlartassallutik, Kangerlussuarmilu sikoqartillugu umiarsuit angallannerini ajornartorsiuteqarsinnaasarpog.

Hudson Resourcesimit Rune Keiler:

Assut sulisunik angallassisoqartassaaq, Maniitsumiit aamma Sisimiuniit. Kangerlussuarmit nerisassanik annertuunik pisassaqaanngilaq. Taamaattumik nerisassat ilaasunut angallatini assartorneqartassapput.

John Olsen:

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Qullersaqarfiup Maniitsumi inissinnissaa innersuutigissallugu piukkunnarpoq, aammattaaq Kangerlussuarmut naleqqiullugu Maniitsoq aatsitassarsiorfimmut qaninnerummat. Sulisunut oqaatsitigut sunik piumasaqaateqartoqassava?

Hudson Resourcesimit Rune Keiler:

Oqaatsitigut sunik piumasaqaateqartoqassanersoq pillugu oqallissimavugut. Ulluinnarni kalaallisut oqaasillit pisinnaapput, assersuutigaluguli ajutoornernut atatillugu tuluit oqaasii atorneqassapput. Oqaatsinik kalaallisut, danskisut tuluttullu ilinniartitsisoqarsinnaasoq oqaluserisimavarput. Maannakkorpiaq oqaatsitigut sunik piumasaqaateqartoqassanera aalajangersimangilarput, sulisartulli tuluttut oqalunnissaannik pinngitsaalineqarsinnaanngillat taakkunani 80 procentit kalaallisuinnaq oqaluttuuppata.

Pavia Lyberth:

Apeqqutigula suliffeqarfimmut tunngavoq. Maarmorilimmi sulisartuusimavunga, tamanilu sulinermi atugarisat pitsaasuupput, oqaatsinik piginnaanillit ataasiakkaartillugit sulisunut sinniisuutitaqarlutik. Siusinnerusukkut Seqimi sulisartoq oqaluttuarpoq Seqimi aatsitassarsiorfimmi ikinngutileqqusaannikkut ajornartorsiuteqarsimasoq, sulisartut kalaallit soraarsitaasimallutik. Taamaattumik Maarmorilimmi sulisut sinniisaannik aaqqiissut Hudson Resourcesimit atorneqassanersoq apeqqutiginiarpara?

Qasusoqarneq pissutigalugu oqqattoqarpassappat kimigiisertoqassappallu akuleruttut erninnaartumik angerlartitaassapput. Tamanna maani qanoq isuginiarnissaa qanoq isumaliutigineqarpa?

Hudson Resourcesimit Rune Keiler:

Inooqatigiinnermi ikkataqarneq akuerineqassanngilaq, ikkatiginninneq inooqatigiinnermilu immikkoortitaaneq pinaveersaararlugit sunik tamanik iliuuseqarniassaagut. Oqaatsinut pingasunut ataasiakkaanut sulisut sinniisoqartinnissaat isumassarsiaasinnaavoq.

Ruth Heilmann:

Qaagu aatsitassarsiorfik ammarneqassava?

Qaqortorsuarmi aatsitassanut atatillugu diamantit nalingi apparsimapput. Anorthositimut tunngatillugu qanoq isikkoqarpa?

Sisimiuni Aatsitassalerinermik Ilinniarfimmu aatsitassarsiorfimmu sulisussanik ilinniartitsisoqarpoq. Isumaqarpunga piareersarneq arriippallaamik ingerlasoq. Sisimiut aamma Maniitsoq akornanni oqimaqatigiittoqanngilaq, Maniitsullu ineriartortinneqarnissani pisariaqartippaa. Ullumikkut illoqarfiit taakku marluk akornanni annertuallaamik assigiinngitsoqarpoq, Sisimiunimi 100-nik ilinniarfissaqarfeqarpoq, maannakkullu aamma ingeniøritut ilinniarnisassaq takkuttussanngorluni.

Hudson Resourcesimit Rune Keiler:

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Aallartinnissatsinnut piareeqqavugut, kisianni tusarniaanermik ingerlassaqartussaallunilu aalajangiussarisaaq malittarineqartussaavoq. Naatsorsuutigaaarpulli ukiup tulliaata naanerani aallartissinnaanissarput.

Inuussutissarsiornermut, Suliffeqarnermut, Niuernermit Nunanullu Allanut Tunngasunut Naalakkersuisoq Vittus Qujaukitsoq:

Suliffinnik pilersitsinerup sapinngisamik siamasissuutinnissaa eqqortuuvoq. Taamaattumik isummat tamaasa katersornissaannik kissaateqartoqarpoq. Tusarnaarpugut, kissaatigisallu Maniitsumut tunngasoq paasissaavoq. Ineriartortitsinermik sapinngisamik siammasissumik pilersitsinissaaq pillugu Naalakkersuisut kissaateqarput. Kissaatigisat oqaatigaat, tusaatissatullu tiguarpurput, aalajangiussaqaalernermilu oqimaalutaavimmi aamma ilaatinneqassaaq.

Mads Petersen:

Maniitsumut suliffiit amerlanerusut takkunnissaat kissaatigaarput, taamaattumillu tamassi akisariaqarpusi. Saniatigut qullersaqarfik Maniitsumiittariaqarpoq, Sisimiuniinnani. Saqqummiussinermi oqaatigineqarpoq sanaartornerup nalaani kalaallit sulisartut qulit pisariaqartinneqassasut. Sanaartornerup nalaani sulinissamik soqutiginnittoqassaqqoorpoq. Sulisartut qulit taakku sunik ilinniagaqarsimassappat? IBA-mik sunik isumaliuteqarpisi?

Borgmesteri Hermann Berthelsen:

IBA-mik isumaqatigiissut atsiorneqassaaq, taannalu aatsitassarsiorfimmi suliaqartoqartillugu isumaqatiginninniutigineqartuartaassaaq. Hudson Resourcesilu IBA-mik isumaqatigiissutissaq isumaqatiginninniutigilerutsigu Qeqertarsuatsiaani rubinisorfimmit misilittakkat pissarsiaqarfigilluassavagut.

Inuussutissarsiornermut, Suliffeqarnermut, Niuernermit Nunanullu Allanut Tunngasunut Naalakkersuisoq Vittus Qujaukitsoq:

Canadami IBA-mik misilittakkat pillugit oqaluttuariartorluni ataasinngormat IBA-mik immikkut ilisimasalik canadamioq tikeraarpoq. IBA-mik isumaqatigiissutinik kommunit annertuumik misilittagaqalissapput, taamaalillutillu ilisimasaminnik paarlaasseqatigiittassallutik. IBA pillugu sinaakkutissamut inatsisissatut siunnersuut ukiamut Inatsisartut oqaluserissavaat. Suliffeqarfinnut sunik piumasaqaateqartoqassava? Nunatsinni suliffiit atornissaat pillugit piumasaqaateqartoqassaaq. Aammattaarlu pilersuinermit tunngatillugu sapinngisamik annertuumik.

Siunertaq tassaavoq aatsitassarsiornermik suliarisat qanigisatut inuiaqatigiinnut sapinngisamik annertunerpaamik iluaqutaanissaat. Suliffeqarfik sunaluunniit atornerqaraluartoq IBA-mik isumaqatigiissummi suliffinnik sungiusarfinnut ilinniarfinnullu tunngatillugu pisussaaffeqartitsisoqassaaq. Ilissi aamma soorlu soqutigisarisaat inooqatigiinnermilu aqqissuussat kultureqarnermut timersornermillu aqqissuussinernut

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommuniani innuttaasut ataatsimiisinnerinit apeqqutit akissutillu

tunngassuteqartut pillugit piumasaqaateqarsinnaavusi. IBA-mik isumaqatigiissut piumasaqaatit sorliit saqqummiussasi najoqqutaralugit ilusilersorneqassaaq. Taava uagut, Naalakkersuisut, Qeqqata Kommunia aamma Hudson Resources ilusissaq pitsaanerpaaq nassaariniarlugu oqaloqatigiissaagut.

Borgmesteri Hermann Berthelsen:

Kommunit kattunneqarneri sioqqullugilli Nuummi qullersaqarfeqassanngitsoq piumasarisimavarput. Tamanna angusarilerparput. Qullersaqarfiup Maniitsumiinnissaa imaluunniit Qeqqata Kommuniani sumiiffimmi allami inissisimasinnaavoq. Tamanna tunngavigalugu aatsitassarsiorfimmik aallartitsinissamik iluatsissasut neriuutigaara.

Hudson Resourcesimit Rune Keiler:

Sulisartut sunik ilinniagaqarsimanermikkut inissimaffeqarnissaat pingaarnepaangilaq. Pingaarnepaaq tassaassaaq inuit suleqatigiissinnaanissaat, imminnut ataqqinninnissaat, aammalu asimi tinnaalersooratik tamaani suleqatigiissinnaanissaat. Aatsitassarsiorfik tassaassaaq suliffeqarfik ulorianartortalik, taamaattumik imminnut ataqqisarinnissaat pingaartuuvoq.

Siverth K. Heilmann:

Manna ilisimatitsineruvoq. Kangaamiunit sianerfigineqarpunga, aatsitassarsiornermik suliniummik ajornartorsiutitaqanngitsoq oqaluttuarineqarluni, aallartinniarlingooq. Aatsitassarsiornermik suliniut isumannaangaatsiarloq Aatsitassanut Ataatsimiititaliap akuersaarluareerpaa. Taamaattumik innuttaasunit akerliuneq pinngippat aatsitassarsiorfiup ammarnissaa naatsorsuutigaara. Suliniulli taanna Kuannersuarni suliniutitut inngilaq, taamaattumik sukkut ajornartorsiuteqarnissaa takusinnaangilara.

Nunatsinnit sulisartut pineqaraangata Maniitsumi innuttaasut assut sulerusussuseqartuunerisa erseqqissarnissaat pingaartuuvoq. Sulisut paarlaattarnissaat qanoq amerlatigissappat, qanoq sivistutisumik sulisassappat, suullu najukkamit pissarsiarineqarsinnaappat?

1970-ikkunniilli tamaani aavartarsimavunga, aatsitassarsiorfiullu ammarneqarnerani ajornaqutissanik takusaqarsinnaangilanga.

Hudson Resourcesimit Rune Keiler:

Suleqatigiit paarlaattassapput, qanorli pissanera suli aalajangersarneqanngilaq. Ammasumik isumaqatiginninniartoqassaaq, apeqqutaassaarmi ilaqutariinni ataataaneq imaluunniit kisermaaneq.

Gerhardt Kreutzmann:

Aatsitassarsiorfimmik tassanga ajornartussaqanngilaq. Sumiiffimmili sakkortuumik sarfartartumi umiarsualiviliortoqassaaq. Immikkut ittumik umiarsualiviliornissaq pilersaarutigineqarnerpa? Sarfaq 8 knobit tikillugit sukkassuseqarsinnaasarpoq.

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Hudson Resourcesimit Rune Keiler:

Sisimiuni umiarsualivimmisulli savimerngit saattut atorneqassapput. Sarfaq umiarsuit angisuut ajornartorsiorfigissanngilaat, angallatilli minnerusut ajornartorsiuutigissaqqaorpaat.

Pinnngortitamut, Avatangiisinut Inatsisinillu Atuutsitsinermut Naalackersuisoq Mala Høy Kúko:

Kangerlussuup sakkortuumik sarfartarnera eqqorpoq. Umiarsuarujussuit kangerluk pulaffigisassavaat, taamaattumillu ilisimatitsissut tamanna tusaatissatut tiguarput.

Hudson Resourcesimit Rune Keiler:

Paasisutissat ingeniøritsinnut ingerlateqqissavagut.

Minik Josefsen:

Sulisitsisut malittarisassaannik sulinermut pissutsinut tunngasunik inatsiseqarpoq. Taakku malittarinissaat isumaliutigaasiuk? Suliffimmi sulinermik nakkutilliisoqassava, imaluunniit sulisartut namminneq akisussaaffigissavaat? Suliffik nakkutigineqartassava?

Aatsitassalerinermik Ilinniarfimmit ilisimatinneqarpunga atortussat eqqortut atussagigut.

Maleruagassanik eqqortunik suliffiup malittarinninnissaanut oqartussaasut sunik pilersaaruteqarpat?

Inuussutissarsiornermut, Suliffeqarnermut, Niuernermit Nunanullu Allanut Tunngasunut Naalackersuisoq Vittus Qujaukitsoq:

Soorunami maleruagassat malinneqassapput, danskinili naalackersuisuinit sulinermut pissutsit pillugit suliat Kalaallit Nunaannut nuunneqarnissaat piumasarereerpagut. Kalaallit Nunaannut sullivinnik nakkutilliinerup nuutsinnissaata qanoq annertutigisumik akeqarnissaanik, suliffiillu qanoq amerlatigissaneriniq misissuisussamik suleqatigiissitaliortoqarpoq. Aamma nammineq suliassaq aningaasalersussagutsigu qanoq kinguneqassanera misissussavarput. Sulisitsisut sullivinnik nakkutilliinermik aningaasaleeqataassasut takorloorneqarpoq, iluserli sorleq atorneqassanersoq suli inissinneqanngilaq. Naatsorsuutigaarpulli 2016-imi Inatsisartuni qaqinneqassasoq. Sullivinnik Nakkutilliisoqatigiit Kalaallit Nunaanni allaffeqarput, eqqortuuvorlu suliffeqarfimmi isumannaallisaanerup qulakkeernissaanut annertuumik akisussaaffeqarmat. Suliassamini Naalackersuisut tamanna pigereerpaat. Suliassaq siusinnerpaamik 2017-imi tiguneqarsinnaavoq. Nakkutilliineq isumannaatsumik pisassaaq, aatsitassarsiornermillu suliaqarfiusup maleruagassanik malittarinnissaneraniq namminersorlutik oqartussani akisussaaffeqarpugut. Aamma akitsuutit akilerneqartarnissaannik nakkutiginnittoqartussaavoq.

Sulisartut peqqissusaat ajoquserneqassanngilaq. Taamaattumik maleruagassanik malittarinninnerup pingaartuunera eqqortuuvoq.

Jan Boller:

Qaortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqqutit akissutillu

Unnukkut unnuakkullu sulisarnermut tunngatillugu qanoq pisoqartassava? Isumaqatigiissut sorleq atorneqassava? SIK-p? Qanoq annertutigisumik akissarsiaqartitsisoqassava?

Hudson Resourcesimit Rune Keiler:

Maskiinani ingerlatsisukkaaqaassaaq, aammattaarlu aatsitassarsiorfimmil suliffissuarmilu parlaattartut marluusassapput. Akissarsianut tunngatillugu rubinisorfimmu unammillertussaassaagut, taamaattumik niuffaffimmi nukiit akissarsiat inissisimassusaannik aalajangiissapput. Nunamili maleruagassat malittarissavagut.

Klaus Berthelsen:

Taamaallaanuna aarlerisaaruteqarniartunga. Angallammi naalagaasimavunga, maanilu angalarnermik assut ilisimasaqarlunga. Oqaluttuarissavara kangerluk assut sarfaqartuusooq. Angallammi naalaganngorniarninni assut ilinniagaqarpunga, sulili annerusumik angallammi naalagaaninni. Taamaattumik sumiiffimmi ulorianartoqarnera pillugu aarlerisaarivunga. Sarfap tungaanut 10 knobimik sukkassuseqarluni angalagaanni ima sarfaqartigisinnaasarpooq sumiiffigisamit nikittoqartarani. Naak umiarsuit nukilissuugaluartut ajornartorsiuteqarsinnaasarpooq. Ingammik anorlilersillugu. Taamaattumik sulerineq ilisimalluinnartariaqarpooq. Ilitsersuiniarsarinngilanga, sakkortuumilli sarfamut angalatilluni sunik unammillerfissaqarnera oqaluttuareusuppara. Annertunerusumik ilisimasaqarusukkussi aperinissassinut tikilluaqqusaavusi.

Hudson Resourcesimit Rune Keiler:

Aarlerisaarutit nalunaarsorpagut. Umiarsuit sorlermik sikusiutaanissaat pillugit isumaqatiginninniarpuq. Taamaattorli Norgemi kangerlunni angalanermik misilittagaqartunik atorfissaqartitsissaagut.

Karl-Erik Karlsen:

Ungattaq aatsitassarsiornermik suliaqarfimmi ukiut arlerlugit sulisimavunga, tikilluaqqorusuppassilu. Maniitsumi ilinniagaqarnermik aamma pilersitsisoqassasoq inassutigerusuppara. Eqqorpoq asimi tinnaalertoqarsinnaaneranik oqarmat, qaammatinimi arlalinni qaarusunni sulisarnitsinni tamanna takunikuuara. Kalaallit taamatut ilinniagaqanngimmata qaarusuliortartut canadamiut aggersarneqarput. Kalaallit Nunaannili ilinniagaqarnermik pilersitsineq pitsaanerpaassagaluarpoq. Inuusuttorpasuit suliffissaaleqisussaapput. Inuit sivisuumik sulisaqattaarsinnaannginneri misilittagaqarfigaakka. Ilinniagaqarneq pinngortitamiittariaqarpooq, taamaalillutik pinngortitami sulisinnaanerminnik erniinnaartumik paasisaqassammata. Taamatut oqareerlunga Hudson Resources tikilluaqquakka.

Jakob Gideonsen:

Nakkutilliinermik atuuffimmut tunngatillugu. Piumasaqaatit naapertuutsinneri kikkut qulakkiissavaat?

Qaqortorsuarmi Anorthositeqarfimmik atuinissamik akuersissut pillugu Hudson Resourcesip qinnuteqaataanut tunngatillugu ulluni 8.-10. maj 2015-imi Qeqqata Kommunianni innuttaasut ataatsimiisinnerinit apeqquutit akissutillu

Seqimi ukiuni 50-imi sulisoqartussaasoq naatsorsuutigineqaralarpoq, aatsitassarsiorfilli ukiut tallimat qaangiummata matuvoq. Hudson Resourcesilu matusisarneq pillugu sumik isumaqatigiissuteqartoqassasoq isumaliutigineqarpa? Aatsitassarsiorfik qanoq qimanneqassava?

Hudson Resourcesimit Rune Keiler:

Nunamit pissarsiarisat nakkutilliiviginissaat pisariilluinnartussaavoq. Umiarsuakkummi aallarussassat tamarmik umiarsuup ingerlaaneramik nalunaarsuiffimut – logbogimut – allanneqartassapput. Aammattaarlu qanoq annertutigisumik usingiaasimanerat Europami aamma USA-mi allattuiffinni allassimasassaaq.

Matussagutta, akiliisinnaajunnaarutta, imaluunniit tamatta toqugutta tikinneratuulli itsillugu qimanneqassaaq.

Inuussutissarsiornermut, Suliffeqarnermut, Niuernermit Nunanullu Allanut Tunngasunut Naalackersuisoq Vittus Qujaukitsoq:

Aatsitassarsiorfimmit suut tamarmik tiguneqartut nakkutigineqarnissaat aatsitassanut inatsimmi allassimavoq. Aatsitassarsiorfimmik Akileraartarnermut Aqutsisoqarfik nakkutiginnissaq, akitsuutip (royaltp), kiisalu inunnut suliffinnullu akileraarutit akilerneqarneri qulakkeerniarlugit. Kalaallit Nunaata aningaasanik pisussaasaminik pissarsiaqarnissaa qulakkeerniarlugu sakkortuumik nakkutilliisoqassaaq.

Aatsitassarsiornermik ingerlatseqatigiiffillu isumaqatigiisutini ilaasoq tassaavoq sumiiffiit isumannaatsuutillugit qimanneqartarnissaat, aammattaarlu sumiiffik tamaannga tikinneratuulli sapinngisamik itsilerlugu salinneqartassasoq. Taamaattumik aatsitassanut inatsimmi piumasaqaat taanna ilaareerpoq.

Borgmesteri Hermann Berthelsen:

Aatsitassarsiornermik suliniummut soqtiginninnerujussuaq takullugulu tusarnera nuannerpoq. Maannakkut Kangaamiuneereerlutalu Maniitsumeereerpugut, sumiiffinnilu taakkunani tamani aatsitassarsiorfiup sapinngisamik piaarnerpaamik aallartinnissaa oqaluuserineqarpoq. Suli najugaqarfiit allat sisamat amigaatigaagut. Assigiimmik kissaateqassappata Naalackersuisut aamma Hudson Resources ilisimatinneqassapput aatsitassarsiorfiup sapinngisamik piaarnerpaamik aallartinnissaa kissaatigipput. Tusarniaaneq maajip 29-annut ingerlavoq, taamaattumik aperinissamut suli periarfissaqarpoq, imaluunniit ilisimasat pillugit paasissutissat ingerlateqqinneqarsinnaapput.